

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ

ՀԱՅՏԱՐԱՐՈՒԹՅՈՒՆ

ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ

Բողոքի ծածկագիրը և ամսաթիվը՝ ԳԲԲ-ԼՕ-2021/72, 06.09.2021թ.

Բողոք բերող անձ՝ «Քլինինգ Հաուս» ՍՊԸ

Պատվիրատու՝ «Հայկական ատոմային էլեկտրակայան» ՓԲԸ

Գնման ընթացակարգի ծածկագիրը՝ «ՀԱԷԿ-ԲՄԱՊՁԲ-16/21» բաց մրցույթ

Գնման առարկան՝ Հայկական ԱԷԿ-ի թիվ 2 էներգաբլոկի ռեակտորային բաժանմունքի պատասխանատու սպառիչների հովացման համակարգերի (ՊՍՀՀ) I և II անցուղիների համար խողովակաշարերի և փականների ձեռքբերում

Բողոքի պահանջը՝ պարտավորեցնել «Հայկական ատոմային էլեկտրակայան» ՓԲԸ-ի կարիքների համար հայտարարված «ՀԱԷԿ-ԲՄԱՊՁԲ-16/21» ծածկագրով բաց մրցույթի գնահատող հանձնաժողովին՝ Հրավերի 1-ին չափաբաժնի տեխնիկական բնութագրում կատարել փոփոխություն:

ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ

ՔԱՐՏՈՒՂԱՐ՝ Ռ. ՄԿՐՏՉՅԱՆ

Նիստերին կարելի է առցանց հետևել <https://www.e-gov.am/gnumner/> հղումով.

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին

ներկայացնելով համանման բողոք: Նույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,

- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:

ՀՀ գնումների հետ կապված բողոքներ քննող անձին

Բողոք բերող՝ <<Քլինիկ Հաուս>> ՍՊԸ
Հասցե՝ ՀՀ, ք. Երևան, Դ. Անհաղթ 6/147
Հեռ.՝ +(374 93) 091155
Էլ. փոստ՝ qleanhouse@mail.ru

Պատվիրատու՝ «ՀԱԷԿ» ՓԲԸ
Հասցե՝ ՀՀ, Արմավիրի մարզ, ք. Մեծամոր

Գնման ընթացակարգի ծածկագիրը և առարկան՝
«ՀԱԷԿ» ՓԲԸ-ի ԿԱՐԻՔՆԵՐԻ ՀԱՄԱՐ՝ ՀԱՅԿԱԿԱՆ ԱԷԿ-Ի ԹԻՎ 2 ԷՆԵՐԳԱԲԼՈԿԻ
ՌԵԱԿՏՈՐԱՅԻՆ ԲԱԺԱՆՄՈՒՆՔԻ ՊԱՏԱՄԽԱՆԱՏՈՒ ՄՊԱՈՒՉՆԵՐԻ ՀՈՎԱՑՄԱՆ ՀԱՄԱԿԱՐԳԵՐԻ
(ՊՍՀՀ) Ի ԵՎ ՈՒ ԱՆՑՈՒՂԻՆԵՐԻ ՀԱՄԱՐ ԽՈՂՈՎԱԿԱՇՇԱՐԵՐԻ ԵՎ ՓԱԿԱՆՆԵՐԻ ՉԵՌՔԲԵՐՄԱՆ
ՆՊԱՏԱԿՈՎ ՀԱՅՏԱՐԱՐՎԱԾ «ՀԱԷԿ-ԲՄԱՊԶԲ-16/21» ԾԱԾԿԱԳՐՈՎ ԲԱՑ ՄՐՅՈՒՅՑ

ԲՈՂՈՔ

• Գործի հակիրճ նկարագրությունը և բողոքի փաստերը.

«ՀԱԷԿ» ՓԲԸ-ի կարիքների համար հայտարարվել է «ՀԱԷԿ-ԲՄԱՊԶԲ-16/21» ծածկագրով բաց մրցույթ (այսուհետ նաև Ընթացակարգ):

Սույն Ընթացակարգին Հրավերի տեխնիկական բնութագիր-գնման ժամանակացույցի 1-ին չափաբաժնի մասով նախատեսվել է 4.4 ենթաբաժնի լրակազմությանը ներկայացվող պահանջներով սահմանված հետևյալ կետերը՝

Համաձայն ՀՊ-031-01 սեյսմակայուն պահանջներ.

Սեյսմակայունությունը պետք է հաստատվի ՌԴ NP-031-01 «Սեյսմակայուն ատոմակայանների նախագծման չափորոշիչներ» պահանջներին համապատասխան, և համապատասխանաբար միջազգային ընդունված ՄՁԿ, ISO ստանդարտներին:

Ցանկություն ունենալով մասնակցել վերը նշված մրցույթի 1-ին չափաբաժնին՝ հարցումներ ենք կատարել տարբեր գործարանների, որոնցից ստացել ենք պատասխան, որ տվյալ խողովակները արտադրվում է միայն մեկ արտադրող ընկերություն:

Վերը նշված հանգամանքը հիմք ընդունելով պարզաբանում ենք խնդրել ՀԱԷԿ-ից, որի վերաբերյալ ստացել ենք պատասխան, որ խողովակաշարերի մասեր արտադրող գործարանը պետք է կատարի ԳՕՍՍ/ՕՍՍ/ՏՈՒ տիպի պահանջները:

• *Բողոքի իրավական հիմքերը և հիմնավորումները.*

22 Սահմանադրության 86-րդ հոդվածի 1-ին մասի 1-ին կետի համաձայն՝ տնտեսական, սոցիալական և մշակութային ոլորտներում պետության քաղաքականության հիմնական նպատակներն են գործարար միջավայրի բարելավումը և ձեռնարկատիրության խթանումը:

«Գնումների մասին» 22 օրենքի (հետայսու նաև՝ Օրենք) 3-րդ հոդվածի 2-րդ մասի համաձայն՝ գնումների գործընթացը հիմնվում է հետևյալ սկզբունքների վրա.

1) գնման գործընթացի միասնական կանոններով մրցակցային, թափանցիկ, համաչափ, հրապարակային և ոչ խտրական հիմունքներով կազմակերպում.

2) պայմանագրի կնքման նպատակով մասնակիցների շրջանակի ընդլայնում և նրանց միջև մրցակցության խրախուսում.

3) ցանկացած անձի համար, անկախ նրա օտարերկրյա ֆիզիկական անձ, կազմակերպություն կամ քաղաքացիություն չունեցող անձ լինելու հանգամանքից, գնման գործընթացին մասնակցելու իրավահավասարություն:

Օրենքի 7-րդ հոդվածի 1-ին մասի համաձայն՝ ցանկացած անձ, անկախ նրա օտարերկրյա ֆիզիկական անձ, կազմակերպություն կամ քաղաքացիություն չունեցող անձ լինելու հանգամանքից, ունի գնման գործընթացին մասնակցելու հավասար իրավունք:

22 կառավարության 04.05.2017թ. թիվ 526-Ն որոշմամբ հաստատված «Գնումների գործընթացի կազմակերպման» կարգի (այսուհետ նաև՝ Կարգ) 32-րդ կետի 1-ին ենթակետի «գ» պարբերության համաձայն՝ հրավերով նախատեսվում է նաև, որ մասնակիցը հայտով ներկայացնում է ապրանքների գնման դեպքում իր կողմից առաջարկվող ապրանքի տեխնիկական բնութագրերը, իսկ հրավերով նախատեսված դեպքերում նաև առաջարկվող ապրանքի ապրանքային նշանը, ֆիրմային անվանումը, մակնիշը և արտադրողի անվանումը (այսուհետ՝ ապրանքի ամբողջական նկարագիր):

Եվ այսպես.

«ՀԱԷԿ» ՓԲԸ-ի կարիքների համար հայտարարվել է «ՀԱԷԿ-ԲՄԱՊՁԲ-16/21» ծածկագրով բաց մրցույթ, որի 1-ին չափաբաժնի մասով նախատեսվել է 4.4 ենթաբաժնի լրակազմությանը ներկայացվող պահանջներով սահմանված հետևյալ կետերը՝

Հասմաձայն ՀՊ-031-01 սեյսմակայուն պահանջներ.

Սեյսմակայունությունը պետք է հաստատվի ՌԴ NP-031-01 «Սեյսմակայուն ատոմակայանների նախագծման չափորոշիչներ» պահանջներին համապատասխան, և համապատասխանաբար միջազգային ընդունված ՄՁԿ, ISO ստանդարտների:

Ցանկություն ունենալով մասնակցել վերը նշված մրցույթի 1-ին չափաբաժնին՝ հարցումներ ենք կատարել տարբեր գործարանների, որոնցից ստացել ենք պատասխան, որ տվյալ խողովակները արտադրվում է միայն մեկ արտադրող ընկերություն:

Խողովակների ձեռքբերման համար որևէ արտադրող ընկերություն, խողովակների համար չի տրամադրում սեյսմակայուն պահանջներ և հետևաբար Հրավերի տեխնիկական-բնութագրում այսպիսի պահանջի առկայությունը ստեղծում է արհեստական խոչընդոտ մասնակիցների քանակի ընդլայնման և ընդհանրապես մասնակցության հայտ ներկայացնելու համար:

Մասնավորապես Ընթացակարգի Հրավերի տեխնիկական-բնութագրում անհրաժեշտ է կատարել փոփոխություն, այն է՝ հանել վերը նշված չափաբաժնի համար սահմանված 4.4 ենթաբաժնի սեյսմակայուն պահանջները, քանի որ խողովակների համար այդպիսի պահանջի առկայությունը ոչ իրավաչափ է և չհիմնավորված:

Հետևաբար գտնում ենք, որ «ՀԱԷԿ» ՓԲԸ-ի կողմից հրավերը կազմելիս թույլ է տրվել գնումների մասին ՀՀ օրենսդրության մի շարք իրավապարտադիր նորմերի խախտումներ, որոնք իրենց հերթին հանգեցրել էր մասնակիցների շրջանակի ընդլայնման խոչընդոտի, քանի որ միայն մեկ ընկերություն է արտադրում այդպիսի պահանջով /սեյսմակայուն պահանջներ/ ապրանքատեսակ:

Ելնելով վերոգրյալից գնումների հետ կապված բողոքներ քննող անձին ենք ներկայացնում նաև արտադրող կազմակերպության կողմից տրված պատասխանի էլ. Փոստի հասցեից արված արտատպման պատճենը:

Օրենքի 50-րդ հոդվածի 2-րդ մասի 2-րդ կետի համաձայն՝ եթե բողոքը ներկայացրած անձը բողոքարկում է գնման առարկայի բնութագրերը, նախատրակավորման հայտարարության կամ հրավերի պահանջները, ապա բողոքը ներկայացվում է մինչև հայտերի ներկայացման վերջնաժամկետը:

Նույն հոդվածի 7-րդ մասի 1-ին կետի «բ» պարբերության համաձայն՝ ՀՀ գնումների հետ կապված բողոքներ քննող անձն իրավունք ունի պատվիրատուի և գնահատող հանձնաժողովի գործողությունների կամ անգործության վերաբերյալ ընդունելու հետևյալ որոշումները.

բ. պարտավորեցնելու ընդունել համապատասխան որոշումներ, ներառյալ չկայացած հայտարարելու գնման ընթացակարգը, բացառությամբ պայմանագիրը անվավեր ճանաչելու մասին որոշման:

Ղեկավարվելով Օրենքի ՀՀ օրենքի 50-րդ հոդվածի 2-րդ մասի 2-րդ կետի և 7-րդ մասի 1-ին կետի <<բ>> պարբերության պահանջներով՝ ՀՀ գնումների հետ կապված բողոքներ քննող անձին

ԽՆԴՈՒՄ ԵՄ՝

Պարտավորեցնել «ՀԱԷԿ» ՓԲԸ-ի կարիքների համար հայտարարված «ՀԱԷԿ-ԲՄԱՊԶԲ-16/21» ծածկագրով բաց մրցույթի գնահատող հանձնաժողովին՝ Հրավերի 1-ին չափաբաժնի տեխնիկական բնութագրում կատարել փոփոխություն:

Առդիր՝ 6 թերթ:

Հարգանքով՝

<<Քլինիկ Հաուս>> ՍՊԸ-ի տնօրեն



01.09.2021թ.